

Buohcci luhtte

Rohkosbottu jodiha báhppa, searvegotti eará bargi dahje searvegotti lahttu.

Minstara sáhtta heivehallat.

Oljjuin vuoidamii (čuoggis 6) geavahuvvo borramušolju, omd. oliivaolju.

Vilges liinniin gokčojuvvon beavddi ala sáhtta bidjat Biibbala ja ruossa dahje krusifivssa sihke cahkkehit gintala.

Dalle go buohcci luhtte dollojuvvojit eahkedaččat, geavahuvvo minsttar Rihpat buohcci luhtte.

1. Sálbma

Sáhtta geavahit ovdamearkka dihte sálmma 200, 204, 205 dahje 422.

2. Álggahus

Álgosivdnideapme

Buressivdnádusa lea vejolaš lohkat dahje lávlut.

B/O Áhči ja + Bárti ja Bassi Vuoiŋŋa nammii.

S Ámen.

B/O Hearrá lehkos dinguin.

S Nu son lehkos maddái du vuoiŋŋain.

Álggahansáni

Álggahansániid lea maddái vejolaš ráhkadit ieš.

B/O Ráhkis ustibat. Jesus lea bohtán juohkit minguin bákčasiiddamet ja givssiideamet. Biibbalis celkojuvvo: ”Son válddii eret min vigiid ja guttii min buozalvasaid”. (Jes 53: 4)

3. Biibbalsálbma

Sáhtta atnit maiddái girkojagi čuovvu dahje eará biibbalsálmmaid.

Biibbalsálmma sajis lea vejolaš lávlut sálmma.

Biibbalsálmma sáhtta lohkat dahje lávlut. Biibbalsálbmii laktojuvvo Uhca gudni. Uhca gudni guđđojuvvo eret 5. fástoáiggi sotnabeaivvi rájes.

Hearrá lea mu báimman,

ii mus váillo mihkkege.

Ruonas gittiide son livvuda mu,

vuoiŋnadusa čázi lusa son láide mu.

Son áhpásmahtta mu sielu.

Son doalvu mu vanhurskkisvuoda bálgáid mielde namas dihtii.

Vaikko mun vádjolivččen jápminsuoivana leagis,

de in balaše mange bahás.

Dasgo don leat mu mielde.

Du soabbi ja báimmansoabbi jeddejit mu.

Don ráhkadat munnje beavddi

mu vašálaččaid čalmmiid ovddas.

Don vuoiddat mu oaivvi oljjuin,

mu juhkanlihtti golgá badjel.

Aivvefal buorre vuolta ja árbmugas vuolta

doarridit mu buot mu eallinbeivviid,

ja mun beasan ássat Hearrá viesus

guhkes áiggiid čada.

Sál 23

DAHJE

Man guhká, Hearrá?

Vajáldahtátgo mu?

Man guhká čiegadat ámadajot mus?

Man guhká leat mus morašlaš jurdagat sielustan

ja moraš váimmus geažos beaivvi?

Man guhká mu vašálaš lea vuoittu bealde?

Geahča deike ja vástit munnje,

Hearrá Ipmilan.

Čuvge mu čalmmiid,
aman oaddát jápmimii,
amas mu vašálaš dadjat:
”Mun vuiten”,
ja amaset mu vuostálastit illudit go mun suoibbun.

Muhto mun dorvvastan du oskkáldasvuhtii,
mu váibmu illuda du bestojumis.

Mun dáhtun lávlut Hearrái,
dasgo son lea dahkan munnje buori.

Sál 13: 2–6

DAHJE

Mun ohcen Hearrá
ja son vástidii munnje,
son besttii mu eret buot balus.

Sii geat gehččet su guvlui, báitet ilus,
eaige sin muodut goassege ruvsot heahpanemiin.
Vártnuheapmi čuorvvui, ja Hearrá gulai,
son besttii su eret buot átestusain.

Hearrá engel várjala ipmilbalolaččaid
ja beastá sin.

Muosáhehket ja oidnet ahte Hearrá lea buorre,
ávdugas dat guhte dorvvasta sutnje.

Ballet Hearrás, dii, su bassi olbmot,
dasgo sis geat ballet sus, ii váillo mihkkege.

Sál 34: 5–10

DAHJE

Nugo sarvvis goikaluvvá golgi jogaid maŋŋái,
nu goikaluvvá mu siellu du maŋŋái, Ipmilan.

Mu siellu goiká Ipmila maŋŋái,
ealli Ipmila maŋŋái.

Goas beasan loaiddastit su muoduid ovdii?

Manne don muosehuvat, sillon,
manne máraidat mu siste?

Vuordde Ipmila! Dasgo velá oktii mun giittán su,
beastán ja Ipmilan.

Sál 42: 2–3, 6

Uhca gudni

Gudni Áhččái ja Bárdnái
ja Bassi Vuignii,
nugo lei álggus, dál lea ja álo
agálašvuodas agálašvuhtii. Ámen.

4. Biibballohan

Lohkkojuvvo okta dahje moadde čuovvovaš čálabihtáin.
Sáhtá atnit maid girkojagi čuovvu dahje eará čálabihtáid.
Biibballohkama manjá sáhtá leat jaskes mediteren.

Job 19: 25

Jes 53: 3–4

Ef 3: 14–21

Mun sodjalahtán čippiidan Áhči ovddas, gii lea sin buohkaid áhčči geat gohčoduvvojit mánnán almmis ja eatnama alde. Vare son geas lea nu cealkemeahttun hearvásvuohta, nannešii din siskkáldas olbmo fámuinis ja Vuoiŋnainis, vai Kristus ásašii din váimmuin go dii oskubehitet. Ja vare ráhkisvuohta livččii din ruohtas ja vuoddu, vai dii áddegoadášeidet Kristusa ráhkisvuoda govdodaga ja guhkkodaga, allodaga ja čiknodaga, ja oahpašeidet dovdat maddái dan, mii manná buot diedu badjel, dassázii go oppa Ipmila dievasvuohta deavdá din.

Son guhte duddjo min siste fámuinis, ja sáhtá dahkat valljugasabut go dan maid mii sáhttit rohkadallat ja áddet, sutnje lehkos gudni girkus ja Kristusis Jesusis buot buolvvaid čada álo ja agálašvuhtii! Ámen.

Allet ane morraša mastege! Buktet baicca buot dárbbuideattet ovdan Ipmilii rohkadallamiin ja ánodemiin giitevašvuodain! De Ipmila ráfi, mii manná buot jierpmi badjel, várjala din váimmuid ja jurdagiid Kristusis Jesusis.

Nu lea Ipmila ráhkisvuohta almmustuvvan min gaskii ahte son vuolgahii áidnoriegádan Bártnis máilbmái vai mii ealášeimmet su bokte. Ráhkisvuohta ii leat dat ahte mii leat ráhkistan Ipmila, muhto ahte son lea ráhkistan min ja vuolggahan Bártnis min sudduid soabahussan.

Jesus cealká:

”Átnot, de oažžubehtet. Ohcet, de gávdnabehtet. Goalkkuhehket, de didjiide rahppojuvvo uksa. Dasgo juohkehaš guhte átnu, oažžu, ja son guhte ohcá, gávdná, ja guhte goalkkuha, sutnje rahppojuvvo uksa.”

Simmona vuoni lei veallámin seanggas heajos buohccin, ja sii muitaledje dan dakkavide Jesusii. Son manai su lusa, dollii su gihtii ja čuoččálдаhtii su. Dávda luittii su, ja son bálvališgodii sin.

Go šattai eahket ja beaivváš lei luoitádan, de sii bukte su lusa buot buhcciid ja bosttahuvvon olbmuid, ja oppa gávpot lei čoagganan uvssa ovdii. Son buoridii olusiid geain ledje mánggalágán dávddat, ja ájii olggos mánja bahá vuoiŋŋa.

5. Vástádus

Vástádussan sáhtta leat sálbma dahje lávlla. Sáhtta geavahuvvot ovda-mearkka dihte sálbma 420, 425 dahje 426.

6. Rohkosoassi

Rohkosoasi sáhhtá álggahit rihpašemiin.

Buressivdnideapme

MOLSSAEAKTU A

Giedaidalabidjan

Doaimmahusa ollašuhtti bidjá gieda buohcci oaivvi ala ja cealká:

Don leat bassi gásttas váldojuvvon Ipmila ágálaš árbmolihttui. Beastámet Jesus Kristus lea lohpidan leat duinna juohke beaivve, dál ja eallimat loahpa rádjai. Son cealká: “Ustiban, leage dorvvolaš mielain, du suddut leat dutnje ándagassii addojuvvon.”

Hearrámet Jesusa Kristusa árbmu ja Ipmila ráhkisvuohta ja Bassi Vuoiŋŋa oasálašvuohta lehkos duinna. Ámen.

Buressivdnádusa vuostáiváldi.

Ámen.

MOLSSAEAKTU Á

Oljuin vuoidan

B/O Biibbalis celkojuvvo: ”Juos oktage din gaskkas lea buohcamin, de rávkos lusas searvegotti vuorrasiid, ja sii galget rohkadallat su ovddas ja vuoiddadit su oljuin Hearrá nammii. Dalle oskku roHKos beastá buohcci, ja Hearrá čuoččáldahtta su. Juos son lea suddudan, de sutnje addojuvvo ándagassii.” (Ják 5: 14–15)

Doaimmahusa ollašuhtti dahká oljuin buohcci gállui ruossamearkka ja cealká:

Dán Biibbala sátnái luohttimiin mun vuoiddan du, NN (ovdanamat), Áhči ja (+) Bártni ja Bassi Vuoiŋŋa nammii. Báze Ipmila háldui.

Buressivdnádusa vuostáiváldi:

Ámen.

Rohkos

Sáhtta atnit maiddái iešráhkaduvvon rohkosa.

B/O Rohkadallot.

Buotveagalaš Ipmil. Don leat eallima gáldu ja veahkehat sin, gudet dorvvastit dutnje. Mii giitit du buressivdnádusastat ja rohkadallat: Oro NN:in, doarjjo ja nanne su. Juos du dáhttu lea, dearvvasmahte su. Atte viisodaga ja návccaid su lagaš olbmuid ja buohkaide, gudet su dikšot. Divtte doaivvu bissut ja guoddit buot bottuin. Dán mii bivdit Bárnát Jesusa Kristusa namas.

S Ámen.

Áhččámet

Hearrá rohkos celkojuvvo ovttá jitnii.

S Áhččámet, don guhte leat almmis.

Basuhuvvos du namma.

Bohtos du riika.

Šaddos du dáhttu,

mo almmis nu maiddái eatnama alde.

Atte midjiide odne min beaivválaš láibbi.

Ja atte midjiide min suttuid ándagassii,

nugo miige ándagassii addit velggolaččaidasamet.

Alege doalvvo min geahččalussii,

muhto beastte min bahás eret.

Dasgo du lea riika ja fápmu ja gudni agálašvuhtii.

Ámen.

7. Buressivdnádus

B/O Buressivdnidehkos min buotveagalaš ja árbmugas Ipmil,
Áhčči ja (+) Bárdni ja Bassi Vuoignja.

S Ámen.

DAHJE

B/O Hearrá buressivdnidivččii din ja várjalivččii din.

Hearrá čuvgešii muoduidis didjiide

ja livččii didjiide árbmugas.

Hearrá jorgalivččii muoduidis din beallái

ja attášii didjiide ráfi.

Áhči ja + Bárti ja Bassi Vuoiŋŋa nammii.

S Ámen.

8. Loahpahanmusihkka

Sáhhtá atnit ovdamearkka dihte sálmma 198, 331 dahje 434. Sálmma sajis sáhhtá leat vuoiŋŋalaš lávlla.